

48849,

Q. F. Fq. S.

12

# PRÆSIDES REIPUBLICÆ LITERARIÆ Æq; ac CIVILIS SUSPICIENDI CIVES UTRIUSQ; ADMODUM CONSPICUI

Et qvi Publicæ Societatis commoda ulla in re respicitis  
qvosqve illa respiciunt

Juveni Genere nobili ad Societatis Communis incre-  
menta & optima qvæq; nato , destinatoq;  
& studiis politiori Cive dignis probe polito.

JOHANNI à BENCKENDORFF  
brevi sed nec omnino levi oratiuncula  
in sui & suorum Commilitonum incitamentum elaboratâ  
disqvirenti:

Utrum plus Societati Civilii utilitatis afferant, qvi literis  
operam navant, an qvi rem tuentur familiarem?

Ad diem 15, Decembr. H. Lq, C.

benevolē attendere ac, ubi meruerit, applaudere nē denegate,  
qvi vos, qva par est, submissione invitat

M. JACOBO WILDE.

Humanit. P.P.

---

RIGÆ, LITERIS NÖLLERIANIS



Umanam rationem rationem vivendi ab irrationalibus doctam creaturis esse, ut asseram, multa quidem me movent, sed & absterrent penè multa. Nunc etenim novam assertionem nunc antiquissimæ tamen esse veritatis appareat: Video primâ sibi fronte repugnare, Docere & irrationalem esse, sed & facile hanc repugnantiam conciari & quasi ad moto Mercuriali Caduceo sopiri video, si vitrum quoq; pelucidum quidem, sed nulla videndi virtute pollens, lynceam oculorum ac noniam non minimum juvare considero: Quid? quod muta quoq; & ruta animantia, quibus forte eō jure aliqui rationem attribuunt (a), tantum eloquentissimi Oratores, essentiam Dei humanæ rationi cogniti (b) eternam inculcant (c)

præsentemq; refert quælibet herba Deum. (d)

Sed repugnabunt forsan alii & multis rationibus thesin arietabunt istam Philosophi Morales, cum ē Lyceo Aristotelis, tum ex Anglia prorumpentes Hobbesii socii, & his longè plures, quos inter *sociale* illud de socialitate & vivendi ratione *bellum* acrius ac diutius gestum haec tenus est, quam quod Romanos inter & Socios eorum olim gerebatur (e). Hos præfertim meo, ne *bellum* mihi faciant, si rationem præscriptum sequi creaturæ irrationalis asseruerim, quam tamen illi Dictatricem dudum dixerunt perpetuam, conferentes ei dictatoriam ubiq; potestatem. Ast viderint illi ne adversus eorundem castrorum hominem, aut (quod gravius esset delictum) dversus Dominam suam, ut Tyrii olim servi, (f) insurgant: Ego enim deo omnem rationis sensum non depositui, ut negem, quod recta nobis ratio vivendi rationem dicit; adhac quod à me dictum, id ab ea mihi dictatum est. Sic frustra quoq; esset Princeps apud Romanos Orator, cui, t cum Poëta loqvar (g) in triplici nemo par erat foro, si me Majestatis reum gere vellet, qui videar in ordinem cogere rationem, quam ille *Dominam*

omni-

(a) Vid. Laetant. I. 2. Instit. Div. cap. 10. (b) A&. 17. v. 23. (c) Jobi 12. v. 7. &c.

(d) Ovven in Epigramm. (e) Flor. I. 3. c. 18. (f) Justin, lib. 18. c. 3. n. 7. (g) Mart. in Epigram. I. 3. Epigr. 38.

omnium & Reginam consalutavit, quæ imperet illi animi parti, quæ obedire debet, velut servo Dominus, velut Imperator militi, velut Parens filio. (h) Fasces enim ei abrogare, & imperium ejus tam latè patens atq; potens evertre, meis neq; humeris neq; numeris convenit. Fortassis autem hæc absolu-tissima Imperatrix formulam imperii sua sponte aliunde petere constituit, & naturæ, quæ animalibus imperat, æmula, legi suæ, quam vocant, regiae obrogare voluit. Id demum ex ingeniosissimis, quæ humana ratio pri-dem excogitavit, inventis, è limatissimis, quæ quotidie producit operibus prolixè colligere liceret, si instituti ratio requireret, quod in omnibus sibi exemplum præfixum habuerit, quod imitaretur, adeoq; illud Venusini Poëtæ: (i)

O imitatores, servum pecus!

si non absolute, vel saltim suo modô & post miserandam ejus per lapsum Adami metamorphosin, & ipsi rationi, & qui ejus inventis sibi mimis placent hominibus applicari possit. Quod ad vitæ nostræ, quam dictavit nobis, sorte & conditionem, stupenda eruditio Vir, qui ē castris doctior rediit, quam literiones alii ē ludo, eam universam in imitatione ponit (k) Sub-jicit autem probationis loco habitacula hominum, quæ horum luxuriæ dicam an industriæ in tantam excreverunt molem, ut præ hujus amplitudi-ne parva il'a, unde orta sunt, initia vix oculis attingere possis. Ast non sibi tam ampla concepit palatia ac prætoria humana ratio, quum primum intuita latebrosa ac profunda spelæa, ad similitudinem eorum humilia ma-palia designare coepisset; quin, si à sordidiori origine illa deducere visum est, cum Doxius Gellii filius, dictante ratione, exemplar ab hirundinum nidis peteret, compingendæ sibi domus luteæ (l) ubi tum marmorea Mamurræ Eqvitatis, (m) aut aurea Neronis Imp: Romani (n) domus fuit? Hoc domus fuit exile principium: Domus autem pagi: Pagus urbis fuit. Ra-tio verò in omni societate tum simplici tum composita, quam hominibus præcepit vivendi rationem, à natura vel creatura accepit irrationali: si quidem quasi digitō indice aves non gregatim tantum volitantes, sed &

(2) (I. 1. ep. 19. v. 19)

sub

(h) Cic. 2. Tus. qvæst. (i) Horat Flaccus. (k) J. C. Scalig. in Poët. (l) Plin. Hist. mundi I. 8 c. 56. p. m. 180. lin. 5. (m) Conf. Polyd. Virg. de Invent. rer. I. 3. c. 8. ex Corn. Nep. (n) Sveton. in Ner. c. 31.

sub continuis vel saltim contiguis nidificantes tectis demonstrabat: Tum apes in eodem alveari dulci innutritas melle considerare jubebat: Tandem & quadrum pedes elephantos, tanquam manu facta, catervatim ingredientes (o) observare docebat: Reliqvas item feras in silva, pisces in lympha, oves & id genus alia animalia in prato, fato quasi cogente, cohabitare ostendebat. Svaldebat ergo homini consimile inire contubernium, adhibitâ in consilium deliberatione, quæ in Rationis imperio consiliarii vices explet: Voluntas obtemperabat Reginæ suæ edicto: Homines sparsum in locis alii saltuosis, alii montosis, alii compestribus habitantes, tuguria sua, sive ex ulva palustri composita, sive è lutô ac argilla compacta in unam cogebant viciniam: Alii plaustra pellibus correcta, in quibus singuli ferinam agebant vitam (p) in unum convehebant locum. Coëlescit inde nova societas, quæ à coëundo civilis dicitur: (q) Designantur sociorum domiciliis limites, duetô in orbem aratro: Datur loco urbis denominatio, sive ab urvo, quod primum operis auspicatissimi instrumentum fuit (r) sive ab orbica ejus figura (s) Sed nec præter rationem se subiisse laborem excitanda turbis, homines in opere tantum quod moto videbant, utpote quo feliciter succedente, primæ statim urbis, sive Cecropia fuerit, sive Diopolis, (t) conditores Agoniæ litare Deæ læti poterant: Ultero enim, tanquam ad Amphyonis cantum affiliisse lateres dixisses, ita consertis & defixis una in opere laborantium manibus, labor omnis, quasi sine labore, conficiebatur, & quid socialis vitæ ratio emolumenti veheret, conspiciebatur. Tum demum homines prioris vitæ miserias tumentibus videbant oculis, ut nudi omnium patuerissent latrociniis, ut confilio, ut auxilio fideliūm destituti sociorum. ann. XII atq; dubii cum tot conflictari rerum difficultatibus coacti fuerint. Hanc omnia remedia edociti primum à brutis illis magistris homines usibus applicabant suis: Confluebant undiquaque, & alii commodam quærentes vitam (u), loca aëris salubritate & fontium amoenitate jucunda obsidebant: alii de securitate solliciti, (x) montium juga, collium præcipitia, valliumque concava, quæ à natura ipsa munita erant, occupabant. Maxima

tamen

(o) Plin. I. 8. c. 5. in init. (p) Justin. I. 2. c. 2. n. 3. 4. (q) Polyd. Virg. I. c. c. 9. (r) Id ibid. (s) Serv. ad I. Æneid. v. 12. (t) Plin. I. 8. c. 56. (u) De his vide Boter. de Orig. urb. I. 1. c. 6. (x) Conf. Id. ib. c. 3.

tamen pars utilitatis studiosa suæ urbicæ vitæ societatem ambire videbatur (y) quod è mutuis sociorum studiis infinita colligi emolumenta videbat. Huic enim tempus in agrorum cultu consumere dulce est. (z) Illi castra seqvi placet, & hostem à finibus summovere patriis: Alius alio exercetur agone: Diversa, quidem singulorum sunt studia, sed non omnium. Nexus enim tam adamantino inter seco cohærent, ut separari minimè possint: Neque aratro terram dimovere arator, neque bellum conficere bellator sine ferrō potest. Huic enī illi vomere opus est: Ergo  
- - - tractent fabrilia fabri (aa)

Nec quæ miles inermis trepidare ad omniem hostilium castrorum motum cogatur, aut quod Israëlitis quondam usquevenit, urgente demum hoste fabros ferro rcqvirat & arma (bb). Non enim sœvæ facie acies terretur instruta, qua Senes olim Romanorum Semtones terrebant (cc) nec retibus tam strenui captiuntur volones, quam Mirmillones quondam à retiariis. Sed ne fabri quidem, quod ex Appii carminibus Sallustius (dd) translulit, sua fortuna fabri ubique sunt, qui æque aliorum indigent subsidiis, ac suis alii. Nolo, quos cultus requirit corporis, sartores futores ve hic adsuere, sed id tantum, quod Boter usque aucto haud spernendæ auctoritatis ad turbium refert origines, referam: Quod ad viros divinâ mentis acie atque excelsâ animo præditos plurimi confluxerint, & civitates atque oppida ex struxerint. (ee) Horum proin operam in societate oportet fuisse longe maximam, cum magnetis more, ut proverbio dicitur, reliquos attrahere valuerint. Sed quid non fuerit? artem sane artium callebant omnium: Omnibus enim artibus volumus attributam esse eam, quæ communis appellatur prudentia, quam omnes, qui cuicunque artifice præfunt, debent habere. (ff) Artes omnes suo conducunt temporis: Prudentia sola omnia temperat nullo adstricta tempori, utpote quæ æterni Deisoboles, præsens præteritum & futurum simul respicit. Quare perelegans est illud ingeniosi Savandræ inventum, quo prudentiam in serpente repræsentat supra clepsydram arenariam (quæ præsentis currentis; temporis est hieroglyphicam).

(X3)

cum

(y) Id. c. 7. (z) Ovid. 2. de Ponto. (aa) Horat. lib. 2. Ep. 1. v. 116. (bb) I. Sam. 13. v. 19. (cc) Flor. I. 1. c. 13. in med. (dd) In Ep. ad Cæs. de Rep. Ordin. (ee) de Orig. urb. c. 2. (ff) Cic. I. 5. de finib.

cum) Sceptrum spiris suis ambiente & contemplante sese in dupli speculo, præteriti temporis & futuri. Pro elogio ponitur illud Homerici carmen à Virgilio traductum:

Qvæ sint, qvæ fuerint, qvæ mox ventura trahantur. (gg)

Sic utilitatem, qvæ societatis mater fuit, cives singuli suam in societatem conferunt communem: Alii tamen aliis ubiorem: Sed qui tandem maximam? Id vero dispicere vix Argus quispiam poterit: Neq; testibus fides temerè est adhibenda in causa tam communi ut omnes ad unum contingat: Sed audiamus singulos causam pro se dicentes. Prodeunt alii è castris, è Museis alii, alii ex officinis Oratores: Ut maiorem quisq; in Republica gloriam est consecutus, sic prior sententiam rogari vult: Primas sibi Principes viri poscunt. Galbam videoas, ut qvondam solebat comparere paludatum, dependente à cervicibus pugione ante pectus (hh) Scilicet militem vides, qui vel habitu præfert signum præstigiū à sese Republicæ beneficii, dum Citharædum (ii) depellebat, simum se, nè dicam Mimum, substituebat (kk) Audias forte his suam adversus doctos Principes afferentem prærogativam: *Natura optima Dux est recte vivendi.* (ll) Claudit ei latus Licinius Imp., qui cum nè nomen qvidem suum scribere possit, in summo tamen Majestatis fastigio sese videns, jaçat illud suum: *Scientiam pestem publicam, Philosophos verò & Oratores etiam venenum esse Republica.* (mm) Horum & ductu & auspiciis totæ, qui eos seqvuntur, Principum turmæ, gladio se non consilio consuluisse urbi qvin orbi contendunt, & si res exigat, stricto confiscere ense volunt. Eccum Theodoricum Gothorum Regem, qui toto imperii decennio, qvatuor priores apices nominis sui, qvos edictis subscriberet suis, addiscere non potuit. Cognoscas etiam inter illos Antiochum &

Lyfi-

(gg) Savedr. Symb. 28. p. 216. (hh) Sveton. in Galba. c. 11. (ii) Neronis cognomen. ap. Svet. c. 41. forte ideò ei inditum, qvia literatum tam rudis fuit, ut Imp. primus alienæ facundiæ egisse notetur. Tac. I. 13 Ann. c. 3. (kk) Ita Galba dictus ap. Svet. c. 13. forsan ob ingenium servile Conf. Id. c. 14. & Gvazzius de Convers. Civ. Diff. IV. p. m. 289. (ll) Cic. in Læl. (mm) Sa- vedr. Symb. IV.

Lysimachum Reges, qui Philosophos nè inter cives qvidem tolerandos esse clamant, Valentinianum, Maximinum, Martianum, aliosq; qui è for-dida colluvie ad sedem Imperatoriam enatarunt. Hos ut audire singulos prolixum fore, sic in fastum, quem supra notavi, diem (faxit Deus & faustum!) audiendos differemus. His è multis sese opponit Julius Cæsar, qui ut primus fuit Imp., sic cui eruditio cedere debeat, nè Cicero qvidem vedit (nn) & Galba quem non verminari non posse putat (oo) hoc reponit: *Licet prudentia qvostam impetus à natura sumat, tamen perficienda doctrina est.* (pp) Huic pollicem premit Fridericus II. Imp. μάρτυρας, qui Licinio illud suum licet in aurem dicit: *Non posse regi populum absq; doctrina & virtutis adjumentis, qua ex libris doctorum hominum possunt haberi certissima* (qq) Reliqvos qvid quisq; certatim ingerant præ multitudine audire non licet. (rr) Post Principes ministri eorum in societate magni fiunt, & momentum non exiguum ad emolumendum adferre publicum creduntur. Si inter hos illum Ducis Gottorpensis ad Moscovitas & Persas Legatum consules, qui mercaturam alias profitebatur (ss) forte illud Valerii Maximi ex illo audias: *Quid doctrina proficit ut posteriora scilicet, non ut meliora fiant ingenia: qvoniā qvidem solidā virtus nascitur magis, qvām fingitur* (tt) Huic sane vilissima capita Narcissum Claudio olim ab epistolis & Pallantem eidem à rationibus (uu) nec non Icelum ac reliqvos Galbæ paedagogos (xx) calculum adjicientes album videoas. Ast si contra Meccenatem Augusti qværas, forte illud clientis sui ingeminaret:

*Doctrina sed vim promovet insitam  
Rectijs cultus peccora roborant.* (yy)

Reliqvos societatis accolas committere vix ausim, nè qui opere assiduo manus plus suas qvam lingvas exercuere, formulâ cadentes, à verbis ad

ver-  
(nn) Svet. ex Cic. Bruto in vita Cæs. c. 55. (oo) Conf. origo nom. Galba in Svet.  
Galb. c. 2. (pp) Qvintil. I. 12. Instit. Orat. c. 2. init. fol. m. 186. (qq) Schon-  
borner. I. 2 Polit. c. 32. (rr) Conf. M. Joh. Gotth. Hardt Politicum illiteratum.  
It Schonborn. I. c. ubi plura leges exempla. (ss) Olear. in Ilin. Pers. (uu)  
Svet in Claud. c. 29. (xx) Id. in Galb. c. 14. (yy) Horat. I. 4. Carm. Od. 4.  
Strop. 9.

verbera deveniant, & novum moveant sociale bellum, armorum loco instrumenis utentes suis, qvibus qvisq; maximam, ut putat, societati elaborat utilitatem. Metuendum sic foret, nē Jasonis dicar dentes venenatos disseminasse, unde contentio in funestum ipsiq; societati exitiabile bellum crescat, si ipsi socii dissociati ad internecionem usq; in seūe griffentur. Requiramus ergo Judicem, qvi, lis hæc qvorum tandem sit, pronunciet! Sed ecq; vod forum seqvemur? Utrum publici & translatitii juri's controversia, an privati est? An ad Prætoriam sellam, aut centumviralem hastam defenda? Ego sane meum de ea publicare judicium vel ideo non ausim, qvòd ob vitæ, qvam profiteor, rationēm partis alterius studiosior possum videri. Cum verò meminerim me aliquoties legisse, viros prudentia Claros capiti, qvod ejus fides est, reliqvos in societate Cives corpori quidem universos, singulos singulis nunc manibus, nunc articulis comparari; Optarem ut obtingeret facundus aliquis Menenius Agrippa, qvi apolongum suum de corporis membris, qvō secedentem olim à Patribus plebem in urbem reduxit, (zz) iteratō proponeret, & singulis societatis membris persuaderet, qvod nullo eorum privari societas queat, nisi mutilari velit? Licet enim qvispiam hisce decidere causam velle videatur: Η μὲν ὄργασις ἀπὸ τῆς περιέχοντος διάσησις λαμβάνει τὸ φῶς, η δὲ ψυχὴ ἀπὸ τῶν μαθημάτων. (aaa) Nimirum tamen remota videtur esse decisio, & qvod illiterati excipiant non defest, cum eorum causam aliqui multis agere argumentis videantur. (bbb) Si tamen, qvi Societas sive Præfides sive Cives aut qvocunq; nomine membra sunt, suā interesse arbitrantur atq; ipsius societatis, ut qvā re illa ampliari & in majus evehi maxime possit cognoscant, illi Nobilem genere & literis Juvenem dictō die de eā re sententiam laturum audire nē graventur. Juvenilis eqvidem erit & vix matura, utpote non Judicis usu edocti sed tironis in hoc forum primum deducti, attamen in optimo flore constituti, & ad maturitatem propediem adspirantis. Dabam Rigæ. A. R. S. 1703.  
Dom. 3. Adventus Dominici.

(zz) Flor. l. 1. c. 23. (aaa) Diog. Laert. in Arist. (bbb) Loredano nelle, Bizzarie Parte 2. in Problem. se sia meglio che il Prencipe habbia i sudditi dotti, o ignorant, p. 102, &c. Conf. in Sayedr. l. c. & Hardtum l. c.